

秋

室

集

秋室集卷七

詩 五律 五絕

歸安楊鳳苞傳九

元夕齋居

憶昔鐙蛾鬧春星
逐曉低可憐
今夜月偏照萬家
保社搜羣盜科
徭到寡妻平生
當世志愁坐付
荒雞

人日襟感

喻復今朝是乾坤
劫未殘

見法苑珠林

麟傷十

平聲

日鬪龍

蟄眾星乾凍骨多填壑
兼金尙稅官閭門如可謁
披腹寫琅玕

赫赫停租 詔胡爲等弁髦酣嬉軍府急宵旰 聖
躬勞表薦欺鸚鵡官評博葡萄一朝黃戍下天網爾
焉逃

朱門煎餅會似勸肉糜多夜冷絲裝樣春聲酒卷波
玉盤看映字銀燭聽徵歌不見荒村外嗷嗷雁戶過
雨

昨歲愁乾土今春訝漏天雄雷鞭列缺雌霓笑連蜷
役罷撩河戍帆開漕粟船更看村覲喜社鼓奏鼙鼙

上巳日雪

南雪連三已奇觀訝我纔鏘鏘蘭曲度寂寂禊堂來
輕絮穿簾入叢花繞開須乘清旦賞白墮試深杯
側想山陰道還多勝景誇竹翳蘭上里煙暝戴公家
覽古流觴杳懷人放櫂賒興來成悵望愁坐數昏鴉

咏史

雄飛陪玉輦枚卜兆金甌有允還都尉何功列徹侯
畫圖麟閣迴恩怨錦袍投借問西園內灰釘已具不
唐家營主第壯麗古今無締構縣三載觀成瘠萬夫
文窗紅韎韐繡屐碧珊瑚歎息瓊林竭誅求徧毒痛

讀少陵昌黎集

文求謨誥古詩討雅騷源八代超秦漢三唐壓宋元
以之裁僞體不覺去陳言韓杜雄辭在披尋矢勿諉

寄族弟

知新

忽憶月湖客銅官祠外居過橋開罨畫築室擁扶渠
秋雨夜船篷晚汀烟笠漁此中多樂事好續所聞書
偕舍弟鳳擊追暑報國禪寺

結夏綠陰層炎歊不到僧妙香供讀畫疏磬悟傳鐙
選石修篁臨池古剡藤夜堂圍柏影蹋月興堪乘

始至湖上艤舟湖心亭

秋水澹無際秋山畫不如秋光先旅客一櫂赴僧廬
柳影疏堪寫潭心淨可漁十年今再至重問竺乾書
汎湖至淨慈寺上慧日峯

雙槳移蘭舫輕於汎水鳧平湖秋色遠斷塔夕陽孤
鶻唱時高下蘋香乍有無南屏紛滴翠髣髴逐吾徒
秋老前朝寺青山紅樹重下臨千仞壑回聽一聲鐘
嵐氣侵吟鬢江光照倦容不知樵路隔更上最高峯

雨中湖舫燕集同沈大

璵

陳三

璵

分賦二首

爲愛雨湖好招邀其放船乍涼清到水遙嶼碧如煙
秋老鶯花地詩狂麴蘖天句留莫歸去且纔葑田邊
相對空濛境聊娛澹蕩人絮羹還沈季驚坐得陳遵
灑落餘君輩蒼浪閱此身但教杯在手吟賞敢辭頻
春淙亭

陰森靈鷲下積翠靄林端不到山深處安知暑月寒
衣棱風力輒澗曲水痕寬解作聽泉客徐徐更倚闌

紫竹林

十笏毘耶舍松筠鎖翠微客來花雨界僧老水田衣

碧澗窺空色幽禽語落暉風流前輩在吾欲住嵒扉
鐵崖靈隱寺詩有僧住旃檀紫竹林之句由
斯得名明黃貞父李長蘅亦嘗橫經于此

梵香閣

本是旃檀窟虛疑兜率鄰一塵熱已妙萬種擣何珍
禪寂原無染心清乃得真從知依定慧底事妄塗身

擬游湯西崖侍郎山莊不果

莊在雲林寺西舊為明包副使涵所

別墅原名青蓮山房倚蓮花峯跨曲澗臺榭之
美冠絕一時外以石屑砌牆柴根編戶內則曲
房密室行其中者宛轉不能卽出今猶稱包氏
北莊侍郎自題詩有連峯紫翠看皆好喬木風
烟畫不如之句

聞說青蓮墅塵中見所稀百年喬木合一帶暮嵐圍
徑欲支筇往休教放艇歸遨頭空有願悵望阻烟霏

登紫陽山最高處

不盡斜陽外秋山落木多天低看沒鶻潮涌聽鳴鼉
綵幟樟亭見樓船海岸過晚來江月上試和夏侯歌

登六和塔

龍山天設險紺塔俯江溥地勢收吳越潮聲信古今
鶻盤霄漢迴日落海門深不盡興亡感臨風發浩吟

湖樓秋夜寄弟

擊金閶

暫出亦遊子況經秋已殘縱耽山水趣那及弟兄歡
憶昨高堂上偕趨燕寢安樓頭今夜月兩地各形單
涼露團庭綠疏燈映水紅旅愁消不盡寓意許誰同
側想橫塘曲虛眠客館中定知吾憶汝吟望冷江楓
餘杭本佳麗茂苑亦風流竹暝龍泓雨花彫鶴磻秋
江山皆北向臨眺冠南州勝概如圖得歸與足臥遊
旅食違親舍他鄉悔久稽名慙山大小貧賸屋東西
莼蓴香棧蔓蘭蓂蠟嘴噓循陔此閒樂莫歎望雲迷
別近歸猶未音稀訊更頻虛無千里道契闊百年身

短燭初銷夜高樓獨坐晨可憐秋草綠爲問夢中人

湖上夜雨

遙夜客愁深蕭寥短檠侵薄衾支病骨細雨滴鄉心
憂國杜陵歎思家莊舄吟下湖煙水闊歸夢聽拏音

湖上月夜再寄弟

擊

一片蘇潭月天涯此夕同西冷遙對酒北渚渺歸鴻
客醉笙歌半舟回漏刻終殊方雖可樂祇是隔苕東
作士身猶賤乘時命不監一堂雙白髮異地兩青衫
負米汝攸賴噉名余敢饒相期各努力莫忘報書函

我罷荒雞舞君悲老驥歌矧當孤月照奈此客愁何
貧賤交游薄山川涕淚多回腸比湖水日夜繞通波
陟岡想行役嗟爾滯還期客舍驚秋稷家江忘別時
招游憐柏馬行止決著龜早作歸來計看余鬢亦絲
旅枕那能就三更坐月殘星河山郭曙燈火水樓寒
愛日憂無寐吹簾爲急難徹宵心獨切何處問平安

雨夜

山庭飛雨至樹樹作秋聲搖落有如許悲涼空復情
溼蛩籬角咽霜劍櫝中鳴殘夜孤燈裏雄心亦自驚

寢跡

寢跡林皋下秋來感瑟居艱危千古業寥寂一牀書
疾吏驚談虎微年人夢魚空懷身世事俯仰更誰如

上巳雨中嚴大

可均

攜酒招同王五

翰青

張三

鑑

暨舍弟

鳳擊

集范四

鎔

齋中是日清明施二

國祁

以上家不至分賦

盍簪期上巳勸酒過迂辛雨潑榆錢火觴分杏酪春
依然修禊事不作蹋青人向晚檐花落蕭蕭冷食新
廉纖宵更急改席漫霑衣悵望龐公遠空嗟賞會稀

媿觚求避罰著屐判先歸何似羊劉輩詩成幸免譏

消夏十詠

何以消暄暑銀塘正開紅游心沙潏畔詩思冷香中
摘瓣傳金盞牽莖倒碧筩詞人多韻事況住水精宮
荷

何以消暄暑柴門送暮蟬參差高柳外斷續夕陽前
入耳無繁噪清心得靜便今茲逢歲閏暫聽倍堪憐
蟬

何以消暄暑輕紈一握持滿懷墜明月四坐動涼颼

但覺揮蠅便無勞掩塵嗤吾宗方綠鬢也賦草蟲詩
扇

何以消暄暑鳴蛙聒未休在公給官廩入夜助更籌
澹月平池暗遙山遠樹浮悠然忘結夏滿院梵音流
蛙

何以消暄暑疏螢替望舒石闌花暝後竹徑雨涼初
小集輝檐桷微光射斗墟誰能勤夜誦解照納楹書
螢

何以消暄暑冰盤列坐攢室疑移冷署人訝換炎官

蠅扇鑽無益蟲吟語不難火雲應歛卻差喜肉山寒
冰

何以消暄暑東軒皎月昇炎歊三伏滌灝氣九霄激
露溢流銀浦雲開耿玉繩此時誰作伴荷葉妙香增
月

何以消暄暑瓜瓢落刃銛蠟兄翻遜色崖蜜已輸甜
煩躁心都沁冰霜手信拈永懷董彥遠徵事不知嫌
瓜

何以消暄暑莎蛩夜語深名元居夏令候漫俟秋陰

昨動幽閨怨先驚壯士心微涼渾不寐切切曙更侵
蛩

續消夏十詠

何以消暄暑桐陰深且幽昨宵清露滴滿地碧雲流
寫石還求售題詩漫解憂珍禽來樹底畫扇試先抽
桐

何以消暄暑微涼北牖回無煩大王共差喜故人來
葛帔含時軟絺帷盪處開脩脩高臥者陶詠亦悠哉
風

何以消暄暑清飈滿竹林碧鮮浮屋角涼翠滿衣襟
刻畫傳詩髓徘徊託賦心永耽閒館寂匡坐獨鳴琴
竹

何以消暄暑中宵絡繹啼鳴機流巷緩搗練度牆低
空袖嗟東國無衣念故妻幾多禦寒意觸熱欲誰栖
絡繹

何以消暄暑堆榮密藕嘉淤泥真不染冰雪淨無瑕
潤欲凌朱李甘應儷翠瓜那教傷葉好愁損滿汀花
藕

何以消暄暑評茶更品泉早憂庚伏炙未過卯時煎
雲泛三奇奏風生兩腋穿清涼此中得持盞勝登仙
茗

何以消暄暑翛然一榻橫秋先來薤葉火已避桃笙
雲臥花紈冷霜鋪玉筍明倒身作甘睡夢覺有餘清
簟

何以消暄暑當窗映綠蕉臨書光活活織扇冷蕭蕭
借月欺龍竹因風掩鳳條右丞曾入畫畱待壓瓊瑤
蕉

何以消暄暑園池供水菱剝來疑漱玉嚼處誤淪冰
擷豔名杭妓搓莎餽郢僧祛炎如不老漫取倒生矜
菱

何以消暄暑猗蘭埽熱塵來從漳海闊留作楚人珍
是草香堪藝知秋佩足紉也須共綺石滋露一宵勻
漳蘭

題紀半樵登黃山圖戲學宋人進退格

披衣向黃海躡足跨長虹峻拔三千丈高凌百萬松
舉頭出天外側目隘寰中勝躅披圖得煙雲忽盪胸

放雲

囊雲雲復散
靄靄任西東
收自千巖畔
鋪來一室中
碧紗明窈窕
香篆鬬玲瓏
若向山窗出
從龍上太空

放驢

老矣寬鞭策
無因更覓驢
溪橋殘雪後
山店夕陽餘
落落辭麀援
蕭蕭避鹿車
從今弢技藝
敢道裏行如

放鶴

碧落將歸去
昂藏上紫氛
素衣思不見
清唳悵空聞
珠樹三霄露
瑤臺一片雲
何當曉毛拔
留與照人羣

放鷹

夙具凌霄志商飈決錦條九天俄電抹萬里瞥秋毫
自許雄心膽爭看灑血毛回瞻百鳥逝振翮下晴皋

放牛

芳草連坡綠烏犍掉尾嬉野煙平渡冒斜照入林遲
未省闌牢詠休歌敕勒詞遙村橫笛起隱隱見茆茨
放螢

小院星河夕流螢照夜涼徘徊簾桺底熠燿井闌旁
撲已迴紈扇盛應解練囊只愁及秋律何以避清霜

放蜨

斲卻青桐樹翻飛故弄晴繞籬防露重過幔趁風輕
落絮如尋夢游絲可結盟長教花裏活慎莫逐流鶯

放鰲

兩崖山木合羣嘯雨淒淒送汝新林去歸來舊侶齊
白雲疑得路青壁望無梯向後三巴道相於對客啼

放鴨

莫使比鄰惱溪童盪小船編闌菰葉吐唼喋稻花田
遠泛晴波浴歸霑細雨眠江村風物好點綴落霞邊

放魚

不遠龍門路寒潭孰敢留恬波潛跋刺激浪欲騰凌
一任生機逐無嫌意釣仍此中涵澤至變化奮鯤鵬

破研

新銜殘卽墨舊號小金城四角枰棱墮中央璧水傾
磷緇雖不免文字且尋盟莫放元賓瘞終將守缺名
古亦珍銅雀何嘗得瓦全破觚遺米史缺月補高箋
無復求完璞猶堪守故氈筆耕兼墨稼未等石爲田

殘畫

何代丹青蹟餘縑發古香虛無金粟影零落玉池裝
謝品空存錄桓廚幸未亡曹吳遺半幘竊比十三行

斷碑

夙嫺歐趙錄古刻歎淪淹氈蠟如能壽叢殘定不嫌
細箋神識闕頗考華陽潛收拾奇零字裝成百衲兼
臥鐘

脫然離獸簾冢冢土花蕤想像蒲牢吼虛無野雉啮
華鯨空蝕蝨變銑漫盤蝸誰負州鳩識何知律呂乖
敗裘

已作鶉衣歎休吟豹袖詩千金曾問直五緘忽分離
夢戀添衾覆貧忘付酒資少陵嗟掩脰冰雪冷侵帷
雨後行三竺路中

植杖聽泉聲空山秋思清滿林新雨歇一徑晚蟬鳴
遊蹟追前夢塵勞媿此生落然偶違俗差喜滌煩纓
題西泠酒家壁

門前秋水闊湖外晚霞多景色澹如此吾身閒幾何
鉤簾衝白鷺瀉榼汎紅螺一醉梅花嶼吳娃宛轉歌
吳山樓夜

拾級凌天半危闌夕望開一尊江月上萬里海潮回
夜火明漁浦風帆下釣臺滄桑今昔事故國不須哀

葛嶺寫望

東望疑無際長空莫靄橫江風吹海立嶺月抱湖明
水闊魚龍舞秋高鼓角鳴瀕塘連戰艦甌越未休兵
八月十五夜坐雨

愁絕今宵雨清光隔歲看亂雲催薄暮濁酒欠交歡
地殷吹笳轉風回擣練寒狼煙閩海急南望夕漫漫
十七夜對月

雨洗仍圓月天高倍沈寥氣驚胡塞雁寒落海門潮
小市喧然桂山城厭課欻媿無灰暈術拚坐徹今宵
珠斗芒還燦銀灣曙漸低空齋耿相照獨客欲何棲
瓠子疲薪槌榕林震鼓鞀繁憂不成寢并與曉鳥哢

九日

蠻徼烽煙動窮鄉歲月侵撫時餘慨慷習嬾負登臨
苦憶征南戍長縣望闕心安危論社稷不作白頭吟
已分忘生理何心付酒杯風霜三極變天地九秋回
野菊殘兵氣斜陽斷刼灰閩江隔消息矯首雁還來

秋雨夜坐

老我悲秋意前心肯坐忘十年詩鬢短一雨夜鐙涼
碎絮蜚嘯礎清鏘葉墜廊更堪五更轉點點撼繩牀
含山道中曉起

曙色遙山外風帆偃畫杠鐘聲催客枕塔影落船窗
明滅水螢亂翻飛沙鳥雙去家方一舍羈思滿清江
舊是荏苒澤如聞盡殺難十年頻嘯聚百里劇彫殘
晝列鰲鱗柵宵探赤白丸潢池兵久靖曉旅尙心寒

客館夜坐簡施二

國祁

夜窗吟落葉涼雨下空庭殘檠三更斷孤燈一點青
簾窺街尾鼠鞠令缺脣瓶卻憶同岑侶閒臨內景經

對菊

秋思到庭菊卓然超瑟居籬閒偏可寄容澹定誰如
冷夢范村破新歡陶令虛楚騷繫肘後吟望渺愁予
斜陽三徑下子立似松孤覓水影何處看山痕欲無
瘦參荒壑味靜洗色香腴賴此清詩骨持醪孰與娛

題訪書圖

有序

劉三桐
少好聚書楚游歸後搜羅益富積至

數萬卷築眠琴山館貯之猶以爲未備嘗屬
杭人奚岡繪訪書圖以見志惜不中壽淹忽
卽世嗣子煥幼弱其書皆爲市人竄取以去
可歎也君從子渙寶弄是卷出示索題傷逝
者之不作慨遺書之悉亡殯唐老筆言之不
文聊以紀實而已嘉慶十五年涂月

尙賸奚生畫香廚久棄捐傷心餘簿錄過眼付雲烟
壓架猶如昨充箱孰與遷藉君珍此卷想像舊瑤編
自古圖書厄多經劫火亡未聞豪賈敢舉作債家償

編按畱希弁飄零憶蓼塘披尋一棖觸老泪忽淋浪
秋賦將之杭州寄族弟元鼎

纔是經旬別相思積已多芳音非不至閒沉復如何
屬疾吟茅苕箋詩廢蓼莪令原忘急難燕寢愼居那
靜合攤書坐悲休拔劍歌贈君甘藥石誨我善編摩
汗簡庚申史名經甲乙科謬云當壯節終分老岳阿
北郭重尋侶西泠且放舸江濤橫似練越岫碧于羸
風景依然好遨遊遲爾過憑將枚叔筆一爲發微疴

宋通問副使朱公墓二十八韻

宋家亡汴土漢使困燕山交聘三朝表蒙塵二勝環
乾坤南渡圻社稷北盟辱帝忘青衣辱臣持絳節艱
敝裘衝朔野炕夢戀鄉關馬角生何望龍髯墜莫攀
幾時加斧梓終冀唱刀鐶雲館星誰比冰天淚獨潸
慘成都尉別喜見子卿還不裏黃幡葬仍依玉笋班
孤忠同皓潔和議疾倫姦曲洎遺聞在詩林舊話刪
佑神方主管祕省已投閒故國餘深恨荒墳棄斷營
碑看員蘇剝謚闕紫泥頒大義存幽薊清風激懦頑
招魂沙塞下埋骨聖湖灣溯自諸陵壞虛勞衛士閒

奇珍都剽虜髯毒過完顏雁海嗟長涸烏號孰可彎
冬青人去去金粟鳥喧喧宰木瞻句越高名被百蠻
秦庭堪再踐唐寢不教扳想像風霜操流連檜柏閒
松皮山菜綠楓葉墓門殷萬古畱螭首雙峯壓黛鬟
江雲虛縹渺澗水繞潺湲欲佐寒泉薦秋巖細菊斑
吳越武肅王祠二十四韻

秦地岐梁關唐家運祚終英豪紛割據盜販竝爭雄
望氣占牛斗鐘靈亞沛豐揮戈方破賊橫槊更從戎
妖鳥書難諭衝濤弩可攻控蠻連溟渤略地并西東

畫閣凌煙壯開門節度忠建元尊已僭奉朔貢猶通
講射軍容盛臨郊典禮隆緩歌催陌上受冊貯樓中
爲問誇毬馬何殊詠大風錦衣三節返鐵券一王功
捲土降旛入歸朝汴邸同緒堪延四主爵豈失三公
錫命欽張軌祠牢表竇融修塋追昔寵原廟到今崇
隧闕金鳧令苔皴玉座空冕旒瞻日月羽衛列貔貅
虛寢蛛絲冑荒墀棘刺叢世家嗤舊德父老泣遺弓
石鏡涼山市婆留落井桐侯王元有種保障被無窮
故守穹碑缺諸孫史筆工靈枝餘伯氣莫問古珠宮

詠蟹

秋稻登場圃霜馨上具區碧波潛濕沫紅蓼戲搖須
郭索行沙響招潮疊浪趨含芒參食療執穗向魁輸
織竹重重障篝鐙點點孤徐聽疑撥櫂急捕輒驚鳧
壓擔爭歸市攜筐出釣艫竟思調鼎好不惜典衣沽
節近題餽候人來捉甕徒開筵邀上客負俎敕中廚
糠火蒸脂嫵齋鹽斫雪腴尖團分牝牡肥瘦判江湖
擘愛金膏溢持需玉液斟品流逾月蛤風味等淞鱸
蚶蠣饒何允螳蜋誤蔡謨補題留樂府別類示瑤圖

香借搓橙否腥蠲采菊無預愁朝霧莽漫想 星符

玉局詩曾換天隨志可摹吳儂當大嚼酒思付菰蘆

臺灣賊平紀事

蠹爾么膺寇瀕年擾海邦 九重移劔寢萬國罷耕

糗幾竭中華力難招外叛降 睿謀深密勿方略布

洪厓烈炬銀山燼驚濤鐵板撞前軍縛裘甫單騎馘

王雙昧雉聞經廟窮猿類舞撞禽姦搜窟穴脅從赦

愚憇朝捷紅番市宵傳玉女窗營門囊羽箭武節偃

牙幢送喜 天顏霽騰歡父老嗟覃威原四訖金鼓

永無樅

巨力資師武 王心協泰交
庸勲頒鐵券 樂曲譜金
鏡畫像蠻荒懾鑄碑斗極稍重洋
洗兵馬孤島築檣
櫓 鞬矢回江介
張弓指魯郊
傳觥五醖酒行炙萬牛
庖玉局分曹角璫鉤隔座拋舞圍
鶯燕陣歌倚鳳皇
巢寶氣行營壓歡聲使節嘲 紫宸恩禮重白屋愛
憎殺莫論酣呶狀能邀大度包他年看鈇鉞簪筆記
螭坳

紫禁煙鑪合彤墀羽扇排獻俘雙闕迴奏捷五侯佖

夾斧霑松社縣旗示藁街祲氛銷日月輪輓奠江淮
帝念安危繫皇靈遠近皆鸞輿標翠鳳虎旅駕

黃鵬蒐乘京畿左營軍少海涯水犀同勁弩金翅列
層牌碣石觀圖陣螯波映鞬韞和知鳧藻樂怨笑鶴
軒諧師律謀惟豫車攻美旣差應令西寇格稽首舞

千階時勦西藏敕進

肇亂嗟貪吏苛求憫下農酷多遭尉桔危敢避軍鋒
一死猶餘臯三郊不自供聲靈規舊甸罰殛別羣兇
大德寬奴戮渠魁發蹤方將租賜免豈靳爵酬

庸法立臣僚警時和赤子逢丕基千里共薄海百年
恭事定還追始恩流訝許濃擇音思挺鹿辛螫慎
并蜂綏靜民蘇困遺災歲告凶勿興培克位化外亦
王封

古宮怨

敢道新恩薄唯憐故兒衰眾中猶自厭況復使君窺
南屏山中懷孫太初

太白山人去遺廬對日斜舉頭滄海上猶接赤城霞
段橋對月

短橋風月夜未權酒船回吹徹香魂曲誰家雙笛來

題屈十七夢草圖

有引

韜園屈十七昆季八人弱一个焉爲作夢草
圖以志恨丙寅首夏竭來湖郡攜以見示余
于天屬之親無一不抱憾者而兄弟蚤亡尤
有至痛搦管涕零吟久不就辟諸飛雁聞虛
弦而下者故創隕也僅得廿字以復韜園同
病相憐諒不嗤其才之窘耳時去伯兄昆谷
之沒也蓋四十年矣錫朋弟之卒亦十有六

年

亦有令原痛披圖觸恨新年年春草綠不見夢中人

旅夜

獨坐水明樓平湖映月流清光隨客夢昨夜到蘋洲

秋室集卷八

詩 七古

歸安楊鳳苞傳九著

蕢洲曲

風蘭菴岸鷗波令喚起漁童搖舴艋悄然秋意落汀洲
水荳倒寫青山影日暮采蕢盪槳遲誰家紅袖按新詞
蕭蕭兩鬢玉釵挂彷彿昨夢曾見之柔情不斷共誰語
回首湘東渺何處蕢花如睇澹無言一雙翹翠掠波去

和弟擊題趙千里落花游魚圖

小弟歸自吳趨里攜示落花障子辭要眇天機忽潛
到琅然合畫兩崛奇畫不得見託想象是中景物何
由窺豈識縱觀有聲畫恍如細讀無聲詩春波橋下
面吹沫芳華苑裏空繁枝花影網魚魚啖影浮藍渲
翠相參差天水王孫著此筆滄桑屢閱傳今斯憶昔
王孫預清燕承恩直入明華殿濫碧闌開錦浪高
觀魚錦浪賞桃花處
二亭名見武林舊事天顏有喜回宮扇詔謂宗老寫
春風心匠經營壓畫院圖成靈沼於初躍烟柳龍池
在東絹婉容端奉紅帔又李迪林春如且羨苑西賜

騎內廐驄金帶紫羅襪飛電遺軸累朝祕閣儲昇平
樂事今誰見趙家渡江國勢削賸水殘山劇蕭索冰
天幾忘花萼寒乾谷大肆魚竄虐惟求玩物權場收
百萬金繪填毳幕贖池裝潢稽古堂鸞標舁藏睿思
閣王孫粉繪亦何心眼看宣和已零落我昨鳳嶺尋
故宮御溝流水環玉虹瑤嶼荒涼蘭橈破但覩野桃
舒小紅撈蝦種蛤喧村童垂釣或到羊裘翁長歌和
子紀所歷風景定不如圖中嗚呼風景定不如圖中

弁山黃龍洞歌二首

高弁蒼蒼倚天起包羅蔓壑兼枝峯清遠圖記傳在
昔西吳首出諸山宗登臨望氣得黃紫苕亭削出金
芙蓉大小玲瓏各逞態玉澗乳竇交崇墉窮搜絕頂
厯金井嵌空靈牝廓有容周遭怪石欲飛墮盤峻不
留猿鳥蹤陰陰上積九夏雪謾謾下蔭千年松卻身
洞口安敢矚中有雲氣蟠虬龍昔人緣絙剔奇異火
鈴在手如扶筇鍊餘五色補闕陷巖肩旁達丹泥封
金庭玉柱想可到惜哉閒隔嗟無從常時赤日熯如
火投簡沛澤蘇三農德馨維祀歲有典率戶共慶收

千鍾吾聞金牌錫天水陽雨時若酬勳庸哀此地鄰
具區藪三州浩淼流淙淙淫霖十日作釜底魚蠅生
甌愁朝饗自今潛見守厥職潤噓玉粒 天庾供長
嘯觸龍龍欲醒回首嶺畔鏗鳧鐘花宮隱隱出林表
暝色欲赴烟雲重遙瞻洞庭七十二點點螺螄描纖
禮

龍湫大小聞雁宕扶輿磅礴雄東南平生邛壑癖嗜
好悵望莫假飛鸞驂卞峯傑峙下菰北繞郭潑翠堆
晴嵐金井斗上插空起螭山嶺峯黏蛭蚶攀藤捫葛

上絕頂直下坎窞窺渾涵日光破碎寒炯炯澗松盤
鬱陰氤氲昔者流聞有龍伏扣闕掩蔽如潛潭斷崖
彷彿爪拏攫腥涎想像須藍鬚餘霞閃映出光景抱
珠睡去疇敢探幽靈祕異定不乏投簡祈雨驚街譚
貞明之歲神物見憑依變幻凌雲曇山谷易名大書
在落繡石刻埋空龕徘徊碧巖一懷古蘇公祠近香
茆庵歸尋舊迹不知處夕陽欲下明瑤簪

送沈大謙之廣陵

沈郎風調如亞之織藤書笈長攜隨入夢再歌翠微

怨還轅誰贈秋律詞
邗江四月鴨頭綠相送片颿指
江曲離筵婪尾花正繁旅舍官梅子初熟
廿四橋邊憶昔游寶釵笑擲十三樓竹西
重到弔烟月紫簫聲斷蕪城秋十年問業託
肺腑執手河橋情最苦他時吟徧小秦淮寄
我衍波新樂府

新晴病起游報國寺梅花已殘卽事有作

一句臥病辜梅花烟痕靜鎖山僧家
夜堂檐溜聽不絕恨與雨腳紛如麻
西溪西崦忽夢到千樹萬樹冰槎
枒翠禽啼破眾香國夢覺月落參橫斜
紙窗暹暎

烘曉枕失喜走看空咨嗟香雪片片作泥絮但見

繞樹蜂鬧衙騷客赴湘苦猿猱明妃出塞愁琵琶

入聲

老禪觀空物自物花開花落同聚沙雨天不作三昧
燕曼陀底用華嚴誇後村公案累詩句留題那得籠
碧紗乾愁欲澆錯認水有若背癢倩爪爬殘英滿地
送歸策一桁酒幔橋東義

雲林寺借秋閣觀明慈聖李太后賜畫九蓮觀
音像

仙居訪古窮幽探天水遺事尋伽藍珠襦玉匣弔秋

草澗泉聲裏停浮驂

是日先過顯慈集慶寺寺爲宋理宗妃閻氏功德淳祐十年妃

取特旨奪靈隱菜園建

妃卒攢宮卽厝寺後

側聞孝定賜畫蹟發興更坐

白竹籃借秋閣從初枕上檻外驚嶺堆晴嵐釋子導

觀辟支藏漢繡貝葉開經函夾穿酸棗簡蒸栗削骨

細字如眠蠶

閣中又藏貝葉經一函

錦麝一幘包乍解絢采歎

欲明孤龕肅瞻梵相合膜拜疑賚青棘薰終南銖衣

鈿帶翠瓔珞翩若霓羽飄輕衫認是永樂折蘆筆

慈聖

生干潮縣之永樂店見神宗實錄御製潮縣景命殿碑文

菩提辦界絲光含

見張士範

菩提子詩序

當時尊養慈寧殿威鳳九首夢覺諸吳裝爲

描綠刺樣

曾燦過日集萬歷閒外方貢綠刺觀音後一坐其高六尺李太后迎供慈寧宮中

身見示乃優曇長椿延壽各迎供淨資喜舍願力擔

靈山海會學禪境

潛說友咸淳臨安志靈山海會之閣在靈鷲寺淳祐十二年理宗御

書寶輦馳送行趨趨戒心想護鶴飛蓋豎指或副龍

蕊簪蓮峯小朵蓮漏滴

蓮華峯在寺西理宗寶慶元年賜靈隱寺古蓮花銅漏一

具今尚 弄閤中 恰對障上九品參奉香阿監使久闕零落黃

杷陰甃甃有明家法絕關政母后不聞天位貪娥姁

武媚足炯鑒北朝貽笑宜都談勢簾肯辱宰輔叱女

中堯舜猶懷慙偶然粉繪娛老耳莫以佞佛加嘲吟

回頭物華換昆劫瓊島塵暗橫戈鏃海棠血染露槃

塋題躑狼藉供魚蟬澄觀此軸得無壞非荷佛力誰

克堪只今昭陵土花碧月下鏘佩還成三

穆宗葬昭陵三后附

孝莊孝安暨孝定也

鸞旗倘從屬車出金燈侍女鬢垂髻

天壽諸陵

相傳夜分時有神燈出宮娥引駕以行神宮監多望見之虞吏部淳熙詩云香烟遙接白雲平原上金燈夜夜明山鬼蘿衣挽秋駕青冥有路不

教行蓋紀其事也見繆泳黃圖雜志

獨畱縑素閱

興廢生滅休說內典耽白頭閒話樊榭曲蓬甕舊譜

精研覃

樊榭山房集詞甲有西湖月一闕詠九蓮像調卽元人黃蓬甕自度腔

縱欲追

和苦才短試調律呂音微餽倚闌極目晚霞起神尼

塔杪殷紅酣

北新路口觀營卒浴馬歌

八旗廢馬高纏髮庠社旣祭臧僕同乘秋放牧東浦
東黃衫老奚最趨雄指揮按轡搖玲瓏銀鞍解卻香
羅幪四蹏決波行若空一形十影流鏡中葑綠倒暈
桃花紅圍人蹋浪學鳬翁輕爬短刷開肉駿振鬣躍
出上跨虹柳陰銜尾嬉涼風籥雲駿氣非聾蟲 皇
圖萬里車書通烽火不徹甘泉宮西域歲貢青海驄
天閒上駟芻豆豐縣峯薄日伏阜終何事汗血矜奇

功

後浴馬歌

昨日浴馬三隄間今朝浴馬九曲灣十什五伍濯雲
錦沙岸顧影高如山銀鬣雪浪皎秋練魚海龍堆眼
中見翻騰倒捲條支波不讓昆明習水戰臨安舊是
朱行都炎興馬政非良圖邕管岷黎歲開市百綱驛
送傳軍符白石茅灘屢大閱超驤萬匹森成列蘭筋
礮磊寶鉸纏駿尾蕭梢玉花纈是時淮北數出師內
殿火印專監司斬王已去鄂王戮縱繞鐵騎空爭馳

江南設險在天塹千里軸轡上流占金繒休擲川廣
秦逸足何曾得騰閃六更寒盡王氣終夕照冷落
西東神駒貢到弗郎國遊牝飽秣重華宮我朝考
牧鑒前代騏驎院滿螭螭塞對此想像玉河頭堵牆
觀者雀翎隊

湖隄走馬引

湖波帖帖橫沙隄廿五萬丈林木翳輕莎秋淥裙腰
齊健兒跋馬如浮鷺驕驍驪駟駟駟胡牀驚帆綠
耳梯三花翦鬣新鑿蹄紫絲絡鞚乾障泥老髯茸帽

豹革鞬碧眼瞪視刮神鏐肘縣玉具淬鷁鷁導以繡
葆句兵棹左插羽箭右執提撥鐙聲碎敲頗黎前騎
後騎爭相踉旋風一團雲影低青天掣電澗飲霓奮
逐夸父西極西角鷹卻退側目迷不數八駿昆崙躋
翻身縱轡鞭怒嘶有若蒼狶人立嘒歸來緩步應金
鞚六橋回望烟萋萋平頭奴子畫檣攜藉草滿引黃
支犀詩客驢背無端倪古錦囊負走小奚松窗竹閣
閒畱題安用縛袴搥纖驪

晚渡湖上白鷺羣飛隨人遠近不啻春鷗嬾避

船也借陳珽同作

浮梅檻入藕花溼屬玉雙雙撇波去銀絲低映柳絲
飛不羨栗留金畫衣夕陽孤影占秋色絹上風標貌
不得夜來夢落鏡湖邊月澹瑤房再相識

鷺時爲弋者所篡盡然傷之再賦長句

兩三玉立塘汀沙毵毵寫影搖浪花閒客飛來伴高
潔青山缺處點晴雪禍機一發那得知肉登杭廡毛
睫攤天長水遠亦何窄奈爾鮮卑黃須兒

王五翰青

移居用田山薑古歡堂韻

安驅得得短犢車溪南有客今移家平生稽阮劇頽
放矯若虛牛游麋麕掉頭一笑借皋廡莢葺矮屋撐
由衙赤腳青猿賈餘勇嬖姍背負街彈斜衝寒鶴擎
霽雪後微吟席帽簪三花儻摹東里圖此景爲添鏡
臺雙髻鴉側聞蠟鳳佳子弟細腰更摻騎棟搃千秋
丹粉留逸躅何必搏土煩皇媧

醉漚儲書凡幾車戲語漆椀臨淄家冥心獵藝騁怒
馬高下騰倚超驚麇卜居似是輞川口槐陌柳浪齊
放衙書庫次第頓池北草堂恰對橋西斜是時節物

逼除歲玉溪酒熟吟梅花詩瓢置祭聊復爾并勞雞
距酬青鴉擁鼻那知洛生詠臘鼓誰和漁陽搥上章
驅鬼真語穽長思不繫殊炮媧

臥彈雁柱牽雲車疏狂載酒仍爲家縱嫌局室礙盆
盎築柴儘可繇仙麈詩人例令典半宅不須甲第排
高衙前媿桐江後樊榭匹如谷水分褻斜君才自足
敵散輩繡管入夢空生花閉幔新婦類凍雀漢廷老
吏非塗鴉嘈嘈箏琶聒人耳回帆試聽撞幾搥我歌
詒癡誚顏訓端仗別調搥瑟媧

凌忠介公玉印歌

玉刻搜來碧葬穴彫紐蟠螭栩栩欲活昆刀細切篆畫
嚴中有毅魄聚紅沫忠介昔年鑄製工夜發光怪朝
貫虹賦心冷寄湘烟外綴錄歛史鈐漢宮少擢禮垣
上封事諫紙暗灑憂國淚空籌奇策四十餘權相翻
將吏才試烏駁蹴蹋燕山殯公也攀髯玉京回平生
論謨付一炬此印何術逃劫灰我曾披讀減齋傳搏
泥火鍛鐵花鍊文山正氣剛峯剛耿耿元精楮稜見
周侍郎亮工謨印人傳首列文信夢想親撫蟲鏤文
國鐵印海忠介泥印減齋侍郎號

觀公私記氣象分肅容再拜未敢撫奕然照幄珠光
煩遺澤不數魏公笏文孫什襲保華閤朱璫尙燭箕
尾躔璧合中天揭日月二十忠節大名齊手蹟猶存
皇士題茗柯實理別有署畱待譜續顏姜稽國朝順治中
賜故明北都殉難文臣諡自范吳橋而下得二十人
長洲陳皇士濟生構得諸公遺墨合裝成卷題曰二
十忠臣手蹟忠介几二紙一與文文肅書一自書擬
古詩俱鈐茗柯朱文小印此卷舊爲董上舍傳藏弃
上舍歿無後今不知流轉何所矣

題周二聯奎草庭詩集

夙耳君名未識面經年夢想愁填腔昨喜哲兄中會會

彭苑徹宵談燕傾春釭二難合并苦不易得一已足
開愚憇草庭詩卷出寄似展讀閃閃搖蘭釭矯如神
龍攫雲族捷如駿騎馳風鬃巧如獼猴刻棘刺朴如
璋邸礪砥礪雄如武庫森劒戟幽如松澗流琤淙餘
波綺麗莫名狀昏華日眩都靈幢是時雄風挾暴雨
疾雷急電奔軒窗誦聲欲壓雨聲倒穀洛交鬪迴濤
瀧謬許孤竹識途馬媿乏玉尺同星杠辟彼鐘鏞設
筍簾小叩安敢以莛撞伊予媿陋比曹鄴往往爭長
滕薛邦平生妄謂大敵勇摩壘不免投戈降 國初

以來盛詩教造物鬱積鐘奇麗新城秀水互壇坫兩
雄誰角交矛鏖餘子百川競學海四瀆導濟河淮江
爾後風雅稍凋謝喋哇粵雪驚炎龍昆渠孰云注溝
澮螳垤詎可凌崆峒吳興山水本清遠渾然太古安
鴻龐輪翕不作海珊死誰更斬拔枿與椿幸有君家
好兄弟堂堂文陣金鼓撓阿兄偏師出勁敵君才十
倍尤無雙旌旗壁壘爲一變左拒賁育右羿逢纖兒
遁逃傖夫走半道委頓形臃臃西吳主盟有君輩要
令朝冉還從駟橫塘水閣讀書處安得過訪浮舲艤

龍文百斛牘將絕非君健筆誰同扛循覽茲編日百
過側身西望心如懣

五代史詩十一首同嚴大

可均作

唐六臣

臣蔚臣循典冊禮臣涉臣策奉國璽臣矩臣逢押寶
使伎導金吾簿太常上源驛傳來朝梁乘輅直上金
祥殿朱五經兒正南面狐媚篡竊沿六朝讓王故事
依唐姚生逢受禪命世佐北面舞蹈再拜賀表箋勸
進逾美新縛袴翻餅視置君吁嗟乎唐六臣

三死節

斷夾寨熾治鞠戰中都成囚俘心輕鬪雞兒力屈忠
武夏仰呼邈佶烈我豈苟活者惜哉不將畫地笏擊

誅姦臣謝天下

王招討
彥章

韜于我何薄忍背君親禍內作約于我何厚能分順
逆誓死守千騎疾如雷爲我取約來澤州與梁吾不

惜一州易得約難得

澤州牙
將裴約

紫金砦破夾道壞守將分投敵營拜景也奉表願稱
臣瞻也獨拒忠正軍堅守壽春不可下降書誰辯孫羽

詐斬吾子師樂羊九原肯受彭城王

清淮節度使劉仁贍

郭侍中崇韜

希旨請立吹笙伎搃首之禍自取爾乞身如約乃避
權宦者伶人敢潛毀推功賜券禮數殊奈何輕信延
嗣誣滅梁破蜀諭南詔威德足攝橫衝都負心手教
中宮出安得明年國猶活嗚呼自古女子爲禍烈淮
陰俯首戮鐘室

周太尉德威

周陽五望塵知敵數奮揮鐵鉞擊無誤白馬朱甲中

之仆陳章枉好大言耳刺史安知非臣作

臧祚切孤軍

救趙迫賊營晉人色動龍驤兵組練金飾搖光晶王
怒老兵不速戰退屯鄆邑乃勝算平原草淺騎陳便
汴宋軍于西滑魏軍于東蔽天耀日旌旗紅日午登
高望塵起麾其西滑魏軍走矣麾其東汴宋軍走矣
奔雷疾追下柏鄉轉鬪橫尸數十里進軍麻家渡宿
軍胡柳坡逆擊死寇事可危亞次遽督銀槍馳輜重
驚走梁朱旗老將父子皆槍壘君臣慟哭夫何爲

元平章行欽

軍八戰射七中壯士始爲橫衝用馳一騎折二矛富
貴與其分主憂石橋酒愁臺雉解髻斷髮誓以死絳
霄踏黃甲奔足已被刖目尙瞋吾兒何負爾先帝何
負爾慷慨相詰真壯士何不五鳳門前撾注矢徒令
路人流涕洛陽市

魯國公孫鳳

竹宮夜禮賈島佛絲繡範金事髣髴期期艾艾拙寒
暄坐辯鋒生莫能屈風皺池水亦干卿問君小樓吹
玉笙中書對食有此輩何異狗齒瓊杯盛悔割淮南

觸敵怒老臣奉使竟何補蠟丸書發終無言不負永陵一坏土

安侍中重誨

斬延殺園作威福恃功矜寵胎禍速卻鷹卻兔歸嘉禾小補區區何足錄覺開伐吳復絕錢二李激變東西川私遺玉帶啟讒構鳳翔入奏馳召旋潞王終爲國家患飲恨黃龍遽發難三珠併一驗五臣老謀灼見原如神

張監軍承業

張監軍故敕使盡心力籌軍國事臣本唐家一老奴
誓雪主讎平汴都錢藏非臣私佐王霸諸夏與和哥
爾何爲者尊名非臣欲俟王滅賊時誤老奴矣自取
之肩輿歸去絕吾食唐運已逢逆溫屢忍見天祐之
年亦永革

王侍中朴

紛紛僭竊雜如蝟悍卒勇夫據高貴日事攻戰誇能
軍是誰講求禮樂文議刑考律算分積亂世乃有王
文柏平邊策獻霽主顏鏌削海內指掌閒淮南最先

并最後桂廣閩蜀次第取何期天奪王佐才玉鉞叩
地君心哀轉瞬檢點作天子混一若符定策始

和陳二 紹登

范增墓詩因感元時墓遭盜發得

殉葬寶劍去事見虞伯生道園學古錄

空齋兀坐歎爾愁雲低似聞四山啾啾猿狖嘯又若
吳鉤新淬薛燭手中攜雄吼摧霹靂逸氣凌虹霓
觀卻在棐几上迺是陳子數番詩卷書幙幘昔者曾
過居鄴郭荒林白晝行客迷秦楚之際去今二千載
厯陽破冢猶可稽鄉祭吏集亭東西長句賦就筆銳

剗生犀朗吟百過奚啻快酌銀畱犁吾聞隧中寶氣
久已洩古劒脫匣出幽穴模糊一片英雄血以此殉
葬亦好奇胡弗更配舉示重瞳之珮玦雄圖空試玉
斗撞天命不剗金刀缺當日鴻門坐上劉項分龍虎
腰閒錦帶各各寒芒吐楚人拔劒本爲楚奈何此爲
楚舞彼漢舞籍也劒學一人敵噲也劒助瞋目怒那
知提三尺劒終亡楚三戶劒兮劒兮鐵花古君才信
是三傑伍奇計無成且當虜辟如干將莫邪豈作翠
履補生前權奪疽發君自苦死後慢藏誨盜君自悔

羸顛劉蹶羅預耳九原有知君莫數君不見長陵秋
草斷蛇亡蚤有愚民盜坏土

漢專研歌

考工搏埴世希有秦漢瓦當今競傳五鳳之研竹房
琢陶旂遠出東京前建武永康紛接踵赤烏寶鼎差
齊肩是皆小篆兼隸古非變晉楷法最先二亩主人
淹蒼雅偏搜古碑及古甌泰元甌得壞牆隙上自癸
未前紀年龍泓金粟兩好事蠟紙百本供捶甌損裂
改磨作觚樣流傳偶幸無虧竊今歸主人皮說劒寶

愛不啻珍珠船我聞右軍繼鍾法模範百代誰忘愆
昌黎獨云逞恣媚俗書一語原真詮南北數朝傳石
刻體名分繇工彫鐫行筆朴茂近崔蔡鼠須璽紙空
便娟是瓢波磔亦其亞雅足壓倒黃庭妍久持此說
世共駭笑我泥古由拘牽雲臺先生初高論斷制今
昔揮如椽直謂輒旁十三字妙合規矩隨方圓竊喜
管見合符節一任集矢言頗偏吁嗟譌識者誰子曷
不稽攷晉史編十嘗爲七故書誤豈異攻木司農箋
摩挲校角尙銛利想見埒拊能中膊晉時合土劇精

致髻墾薛暴胥除蠲飽閱甲子廿有二厯龍漢刼難
移遷不爾陶埏率售偽安得到今凝且堅作歌非止
慨駝棘正書鼻祖母忽旃

元祐黨籍碑歌

碑在柳州之融縣乃黨人沈千

蔡氏當國實爲之徽廟過悟乃詔黨人出籍高
宗中興復加褒贈及錄其子若孫公道愈明節
義凜凜所謂拙于一時而信于萬世矣其行實
大概則有國史在有公議在餘官第六十三人
迺暉之曾大父也後復官終提點杭州集真觀
贈奉政大夫暉幸託名節後敬以家藏碑本鑱
諸玉融之眞仙岳以爲臣子之勸云嘉定辛未
八月旣望朝奉郎權知融州軍州兼管內勸農
事古雪沈

暉謹識

文德殿楹碑截梟黃門夜半鐵椎裂重鑱翻出禁銅
孫石不可毀名不滅三百九人一足夔史筆缺漏補
以斯政和嘉定等耳耳轉瞬僞學羅織之當年洛蜀
門戶競網打同文獄未竟漢甘陵黨唐南衙愴壬每
假盜國枋玉融岳頂生蛟蟠墨本色爛星辰寒如披
三君八俊錄曾作千佛名經觀

題寒江破浪圖

北人騎馬如乘船據鞍顧盼雅靜便南人乘船若騎
馬風波不動安於山河陽公子長吳會五湖三泖時

洄沿頻歲趨庭侍京邸郊游往往鳴玉鞭金臺八月
沙地白草頭一點浮輕烟昨從衛水放歸舸計程汶
濟河淮壩岷江東注劃南北雲濤萬里高黏天江豚
吹浪忽掀舞墀鈴自語顛風顛峭颿十幅欲飛渡早
潮簸盪回紫瀾金焦烟樹渾不辨開頭捩柁愁長年
君乃大笑侈豪舉高唱小海扣兩舷平生自負宗慤
志興寄妙手皴霜紉披圖恍惚風浪湧中流一葉疑
飛仙今茲少宰持絳節往司玉尺章貢閒洪都峻閣
俯彭蠡捲簾猶對西山巒聞君定省念綵寢游心已

落滄洲邊文章千古留勝迹姓名何讓三王前安得
重賡馬當夢長風飽送江神虔

陳生

鑾

奉諱請余爲先人挽詩賦得一首

生遭閔凶廢蓼莪稽顙請我爲挽歌我時抱病嬾自
作爲唱延年薤上露薤上露何易晞露晞明朝更復
落人生一去何時歸移宮換徵斷還續爲生更唱蒿
里曲蒿里誰家地聚斂魂魄無賢愚鬼伯一何相催
促人命不得少踟躕新歌舊歌悲無涯生也慎勿予
言疑古人賦哀只如此頌德自有銘誄辭

湖上晚霽汎舟三潭觀荷

湖上雨歇含空濛西邨渡口推吟篷濃陰壓水屢變態著眼不到隄臥虹須臾淨埽眾峯出羸子澹描明鏡中彎彎畫橋帶沙柳點點白鷺翹水萍魚罾一桁夕陽外蛛蝥浮杯簾曳風藕花如海艇如葉花爲四壁藏鮫宮遠香徐吹沁詩骨醉作鯨吞翻碧筒晚晴賦就似畫裏滌筆擬喚樊川翁遙看暝色赴花溆回橈更渡三潭東沿緣欲去未忍去權月豈知清興終

孤山謁范忠貞公祠

范公祠宇何堂堂密邇 行幄依 先皇千秋鼎俎
歲時換一代丹青英烈彰 仁廟昔巡古杭郡 遣
使告祭 頒天章 聖主數隕故臣涕忠魂定迓彫
輦傍 君臣一氣資延納立仗還教侍 御榻繡斧
皮軒日月明朱旂玉帳風雲合維公先葉開國勲經
綸草昧垂聲聞入關佐命蕭曹侶宿衛世典期門軍
海堧疾苦 帝心切曰汝承謨撫兩浙輕輶持節按
部來力拯水深與火熱是時浙西秋大水沈竈產鼃
繒逸豕稻蟹蒲蛤子有幾斗粟萬錢雜糠粃秉穗遺

利望明年又見飛蝗蔽空起夷羊在牧鴻在野暴骸
揜挂荒溝裏公也哀此民阡危萬夫之飢由已飢上
書蠲賦寬鞭笞更請賑貸安流移九重制可民命
蘇遺老淚墮羊公碑嗚呼往事多搶攘芒刃髓髀馭
降將嶺南尙耿溟南吳議徙東越畫疆王蒙氏玩元
地勢雄呂嘉背漢軍鋒壯五華鎮國高切雲距險發
兵亦相抗魚麗畫戲甘露宮虎竹宵分九龍帳願斬
三蘂披赤誠幡然北去朝王京黃閣屢進莊助策
至尊誓固河山盟詔公開府無諸城往靖反側

消逆萌不戰而耘利莫大宣辭輔缺徒崢嶸盤雕袍
子翠織成內廐騏驎雙轡纓錫汝車服非寵榮諭意
壹似朕親行 紫陞受 命馳道出擁麾欲埽閩江
清疾驅單騎探虎穴但有牙將囊韃迎大義未折王
庭湊倉卒反遭叛兵覆纍臣握爪幽園牆畫壁吟詩
墨浣袖分捐鼎鑊甘如飴漢陽弗下尙懷疚釣石誰
謀王郢鏐武林先受騶力寇爛柯山下狼煙紅阻遏
徇北轅古功轉戰間關掘姑蔑旄頭夜落仙霞通逆
醜將亡胡爲爾杲卿髮動長已矣天晦地冥雷霆走

幕佐部軍同日死北向從容謝主恩悍夫辟易猶

嚙指若邪豫章戈鋌集橫海樓船四道入居股終封

萬戶侯揮刀刳脯嗟何及羽林孤兒負骨回素車白

馬乘潮急慘澹錢塘丹旆低黎獻撫膺俱飲泣他年

歸葬遼海邊華表咫尺園寢連靈兮常在帝左

右衣冠劍舄相周旋揭來仰觀紫泥誥再拜升階薦

蘋芼西陵松柏護楹桷卻類戟門樹牌纛永奠孤嶼

鎮平湖休瞻楓嶺愁鷗鵠近傍五雲蔭桐鋪遙拱析

木臨幽都景陵佳氣鬱帝梧想像神游或南狩

公平應奉鸞輿趨風雨周廬秋夜徂金燈翠旗光有
無

聖因寺貫休畫羅漢 御題石刻歌

禪月大師昔貌應真十有六流傳永鎮寶勝湖上佛
子家古綃黯黮已閱八百禩 御筆標題半字滿字
各吐青蓮花往者 翠華駐南國犀軸高懸 帳殿
側 今皇本是迦維見主身是日 天顏爲動色重
瞳屢顧不壞雲暗省本來似相識 詔下守臣勒貞
石要使刼懺宣和瓦碑材定選雕鶯峰唾手亦具那

珈力湖光夜燭龍驚書翠墨丹青雙激射休公畫勇
矛戟攢格竝西嶽詩思寒奇形魁岸涌萬狀恍坐羅
尼密天上撚眉搯爪喜復嗔綠睛洞注慧照人牽堵
坡入法掌輪長肱向空直欲麾蒼雲或搖孔雀扇或
揮寶華巾或問楞伽字或隨帝釋儼猊尾生猛虎鬚
銳與汝從容皆我馴請綴破衲鍼戲紉鍼鋒細處可
隱虛幻身背岳倚樹了然大自在蟬翼蝶衣指點花
上塵涅槃三昧那可悉齊向豪端收拾疑有神雪山
之北休公未曾到何由得此蓮日月面慈容眞吾聞

紫衣賜後筆力愈放縱飛錫躡虛一一來入夢跳身
禪定以畫作佛事信手渲染梵相形骨無不中龍華
寺雲堂院絹素零落如抹電未若茲刻供養甘露門
況有玉匣藏弃側近行闕倉琅根鉤樨不失神明
存髮髯水荇汎波痕卽令硬黃響搗亦抵千瑤琨吁
嗟休公去吳越鏐依蜀建獻詩得喪別恩怨翔麟引
駕內供奉炫燿頭銜宏誓願張世南游宦紀聞禪月
大師應夢羅漢後一軸
題云大蜀龍樓待詔明因辨果功德大師翔麟殿引
駕內供奉繼律論道門選練教授三教元逸大師守
兩川僧錄大師食邑三千戶
賜紫大沙門貫休字德隱
鼉聲閭位豈足爲護持

母乃金粟如來歸稗販何年傳妙繪完好檇蒲裝不
逐流星輦翻畱衣錦鄉異代眷被 萬乘雲漢章區
區寵辱莫論錢與王任教補錄書林畫苑金石史誓
予頂禮莊嚴八寶圓壇旁

吳山大觀臺望浙江放歌

兩旬湖上住徧蹋湖上山今朝始登第一峰躡屐飛
步凌孱顏危臺兀立落雲外坐覺江色瀉我襟懷間
南龕北赭屹相向形勢爭誇天下壯東窮漁浦奔暗
沙西眺鐵幢壓溟漲是時秋氣肅江面鋪練平高歌

小海唱頓使魚龍驚長空萬里不辨去鳥沒但見幾
點越山天際橫海門突入濤頭白直拍闌干三百尺
玉城雪嶺倒奔坼茫茫海賈招未歸幾度滄桑此潮
汐錦衣屬中朝水犀强弩飛煙消白雁宿沙渚天開
圖畫渺何許

天開圖畫臺名南
宋禁中觀潮處

回首錢塘王氣微風

景不異霑人衣憑高酹酒一弔古如此江山付落暉

十五夜偕從弟

知新

汎月三潭用昌黎酬盧雲

夫望秋作韻

纖雲不點水天淨上下夾鏡開雙函迢迢樓臺近水

見巒巒崑岫凌天巘截湖小艇健于鶻寒氣欲襲方
空衫中央熨練吹不起船脣照見龍頭銜湖山得月
秋寸寸恍移碧落評蘇緘空明蕩漾金粟影謫仙枉
用玉斧芟靈苑咫尺不可卽筵墮桂子扇秋崑白鷺
前導潭心泊僧畱淪茗異井鹹偕行況有吾宗秀劇
談舊事紛誦誦高詠贊洲日湖曲桃源一洗蛾眉讒
冰壺世界水晶域造化譎幻工彫劂此夕此境豈常
遇佳游定荷天公監鄰舫盡散未肯返匹如老饕恣
嚼饒來宵圓影便愁缺絲管安得神感誠何當我家

吹笛婢夜夜檀裊壓指攢

方勺泊宅編楊蟠宅在錢塘湖上晚罷永嘉郡浩然

挂冠每從親賓乘月汎舟使雙笛婢侑尊悠然忘返沈注贈詞一闕有曰竹閣雲深巢居人闕幾年湖上音塵寂風流今有使君家月明夜夜聞雙笛

是夜回舟泊水磨頭遇雨步歸湖樓雨止月出

坐翫達旦再用望秋韻

湖面鎔銀月走汞長虹一道連石函艇子延緣興更
劇苦吟險韻何巉巖米囊覆背亦快事雅勝寒瘦鳳
尾衫臥吹鐵篴水波裂游魚出聽珠雙銜狂思汗漫
人世外四山倏覩雲封緘著眼空濛與天永微聞折

葦聲如芟翫月看雨片時耳奇幻豈說龍臥品魚熊
二者忽兼得有若品味均酸鹹鳴雨不絕月更上層
樓夜寂希詒誦憶昔黃州譜水調買醉達旦忘譏讒
今夕何夕語言妙幸免詩案重鐫劖華陽慎莫拾遺
唾帝聰上徹傳明監媿我濩落等遷謫香名欲飲徒
涎饞鏘然紫雲那得賞廣寒無路通微誠作歌一粲
月墮水璫窗閃閃畱痕攖林亦之綱山集丁亥九月
十六夜與李監倉宿龍臥
山中聽雨看月同時事也所謂魚與熊掌兼得之賦
詩紀事云人間有佳景詩句頗發越何曾如今夕聽
雨還看月

重過冷泉亭看紅葉竹林精舍主僧攜示李長
蘅冷泉紅樹圖爲作長歌以紀之

少窺檀園臥游冊夢想冷泉紅樹圖頻年屐齒又屢
到未遇林葉霜花腴畫奇境勝雨瀟灑愛而不見心
煩紆重來靈苑獻異狀敷坐亭上畱須臾丹厓紫閣
忽照眼石雨墜松時有無雅柏連蜷血楓聳頽蚪赤
龍生拔鬚何讓吾谷車箱嶺三州鐙腳良非誣竹林
主僧劇好客奉挂名蹟當座隅移斯絕景入東絹題
百廿字光驪珠寒岳晚氣愜心賞印持子將吟席俱

擲筆一粲遺誰氏孟陽鄒老存清娛千支歲紀定陵

葉甲子四周年運徂

款署萬曆丁未定陵之三十五年也迄今歲凡歷第四丁未

長者十襲早聞道梵夾同弃香羅廚憐我嗜古說禪
味縱觀得飽雙饒臚于時澄潭鑑虛白泓然滑淨生
綃鋪夕陽欲下猶未下倒影冷浸紅珊瑚看山讀畫
一朝并旣償夙願追詩逋

梁將軍

朝柱

畫蘭歌爲金上舍

鎬賦

將軍畫品入神妙揮灑獨得天機深尤工寫蘭古莫
比熙筌沒骨非同心少年出塞控鳴鏑醉磨盾鼻馳

草檄跳盪共推勇絕倫游藝誰憐畫無敵憶昔王
師下金川明堂獻捷圖凌煙將軍論功初第一褒鄂
英姿信嶢嶢丹青老去娛天真蘭蕊百矢常隨身疏
花瘦石洗凡俗屏障肯爲豪家珍乃知技進不名技
尺幅流傳見能事想其磅礴蘭鐔中解衣玉帳軒翠
氣麝煤亦足張吾軍點染國香作服媚展卷彷彿煙
雨溼空濛一片碧湘立湘妃手把青芙蓉澹埽睂黛
橫釵茸筇竹低垂零露濃淋漓墨瀋春無容屈平不
作所南死借問粉本來何從當年師次巴陵道是處

馬蹏蹋瑤草佩纓采配玉轆轤鞭指夕陽紅更好戲
拈禿管如挽彊綠葉紫莖束箭橐歸來自署馨列侯
金券策勳竝永保丈夫肘繫斗大印左執召矛右持
盾鏖戰皋蘭爲國殉方今戈船下瀨迅將軍急爲肅
士馬萬里乘風鼓角震橫海露布闕下進莫耽縑素
縱筆陣金子寶此過縣黎嶺表壓裝手獨攜鴉叉晝
靜挂東室摒擋寒具邀我題瓊芝靈液照窗戶我信
鈴符錫君祚燕姑夢協大人占他日添丁慎交付

催租行

昨朝府帖下今朝吏捉人手持木版叫突東西村黃
蒿空巷小家屋日晚轆釜煮榆粥打門租吏駿甕粟
老翁踰牆走老婦向隅哭鄰雞上樹狗齧鰓

官倉行

倉垣新築三丈高中有曲房爲游遨笙歌酣宴夜復
朝倉前朱書一行字閱今秋熯苦車水願納五折貸
爾死下厰小吏貂襜褕怒罵稅戶同叱奴責令額外
俱交輸叩頭哀告寬鞭扑歸去賣兒并賣屋乞符鄰
邑糶餘粟大旗閃閃雙門開兩邊虎翼如雲排半醉

縣官呼殿來

負釜謠

夫負釜妻抱兒飢驅出門欲何之道逢人食人更誰
知爾汝故鄉今難爰處適彼樂郊得我所餓鴟嘯枯
樹下有破垣乞食扣主門主人朝出采榆暮歸徒手
無夕飡請看冷甑生塵主與客兩相視淚落不能止

張山人 肩 畫竹行

涼堂閒敞不受暑橫幅墨君當軒舉清風颯颯吹桃
笙夢落瀟湘水中渚洋州派續李仲賓肩也冥契下

筆親鸞尾埽空栗尾跡韞材幻出簫材神煙嘯露壓
半綃綠何事三莖四莖曲夜寒凍研松煤滋不羨官
奴夾難燭孫侯商聲贈肩詩云荒蹊生竹淨凍研沃松滋石澥谿上遠偏廬
繞廬萬个青林於天然粉本今還在讀畫元輸谿上
漁肩字爾就康熙中隱士居南林之石澥築遠偏廬賦詩寫竹于其中乞畫者無虛日而應之不倦曰
聊以遣日耳出則幅巾野服望之若神仙殆古逸民流也

又題張山人墨竹卷

畫家用筆如用龍曹霸之馬韋偃松肩也畫竹得其
意籀龍天矯騰筆鋒金錯刀揮爪牙脫鐵鉤鏤掣煙

雲重高士抱節此君比曠懷磊落廊有容月下據案
寫疎影得無自寫山林蹤素絹離離溼粉墜墨花灑
處春丰茸唐李宋文稱入室淨因四壁道臻述石本
已無王右丞白詩徒說蕭協律眼明驚見寒玉莖千
枝萬葉搖秋聲清宵誤引鸞鶴歎壽鬣往和笙簫鳴
高軒玲瓏遮不住便欲穿瓦凌虛橫通靈妙繪慎收
取長以石壓并手撫恐隨雷電上青冥昨夜破窗入
風雨

題山谷道人書范滂傳摹本明高邑趙忠毅公

故物公連書三跋于後

范史鉤黨聞者興山谷筆陳書林稱建寧崇寧異代
恨煌煌墨本殷鑒仍黔戎歸後又何舉承天院記謗
再騰揚功遵志紹先烈變易黑白營青蠅宜州更席
任戲侮慨然舍館賢郡丞從游況復遭滋許私奉几
杖宵篝燈夙慕龍爪橫絕世請試雞毛揮剡藤千年
汝南吾尙友默寫全傳無模棱已亡三篋安世補偶
熟一卷于嵩徵金薤銀鉤墨光黝清裁勁節行閒凝
我聞坡老曾侍母啟問讖語如有憑九死謫逐落僊

耳枕榔萬里魑魅憎坡谷高名兩不朽長垂宇宙追
固膺國家黨論開釁始往往隙爲姦雄乘乘章榜郡
炎祚絕牛李傾軋唐室崩彗星下埽殿碑仆青城降
矣輸金縉勝朝東林蹈憤轍茄花委鬼相輶輳七十
老公竄戍所永寶此冊防堅冰微言跋尾痛至骨遠
望北闕煩憂增二蔡二愾昔炯戒四凶四害予其懲
但嗟真蹟未得見摹帖尙可直百朋南樓米拓亦已
勘惜哉樂石蕤陂芳矧茲手澤出高邑畱辯忠佞分
淄澠芒寒色正照瑤席道人心事猶峻嶒古今禍亂

畢萃是豈此詩格嗤鯨鵬